

զի առասան սոցին չէ ըստ հասարակ սո-  
վորութեանն ի քթանէ ոլորեալ, այլ ի  
յոստոց արմաւենեաց ոլորեալ է, որ է  
անխզելի:

Եւ յետ երկուց աւուրց հասին ի Եամ-  
պուկ և անտի մինչ հասին առաջին քա-  
ղաքն Ռասպը՝ որ մօտ է ձիտտէի, տաճկի  
ուխտաւորքն ի էհրամ մտանեն, այսինքն  
հանեն զպատմուճան իւրեանց, և ի վերայ  
շապկին արկանեն զանձամբ զհերամն ի  
խստութիւն և ի ճգնութիւն, վասն մօտ  
լինելոյ Մէքքէի:

Արդ ի Սուլէիշէն յետ 23 աւուրց հա-  
սին ի ձիտտէ Նոյ. Տին...:

Յետ հասանելոյ ի ձիտտէ գնացեալ եգիտ  
ոսկերչապետ զղույումճի Եանաքին որում  
ունէր զյանձնարարական գիրս, ետ նմա  
զգիրն և նա ընթերցեալ սիրով ընկալաւ  
գնա և սկսան խօսիլ զվաճառից քաղա-  
քին, յորմէ յոյժ գանգատեցաւ...:

Ուստի բացորոշաց գնալ ի Հնդկիս և  
սկսաւ վաճառել թովմաճանն զմերձանն  
բարի գնով և բարի մարդկանց...:

Յայսմ վայրի չորս և հինգ եթովպացի  
հապէշք եկեալ էին և ընդ Պօղոս որդւոյն  
խօսէին արաբերէն, և հապէշքն այնորիկ  
եւս տեսին զակնեղէնսն և բարեկամացան  
ընդ Պօղոսին և ելեալ գնացին. և թով-  
մաճան կամէր եւս վաճառել զայն զարդն  
ձիոյ, այսինքն զքէամէն, զոր ի յեզրիպ-  
տոս բռնութեամբ գնեաց 808 դուրուշով,  
զի ի հնդկիս ոչ գործ ամեն զայն. և եհան  
արտաքս առ ի վաճառել: Եւ ի եկեալ  
հապէշից մինն էր ծպտեալ, զի էր եղ-  
բօրորդի թագաւորի հապէշին. ուստի ի  
մէջ իւրեանց ասէ այն ծպտեալն ցնոսա-  
Ես յոյժ հաճեցայ այն վաճառական հային.  
եկ գնասցուք և յայտնեսցուք զմեզ և հրա-  
ւիրեսցուք զնա և զորդին ի քաղաքն մեր,  
որովհետեւ զայնքան ակնեղէնս ունի, որ  
մեր թագաւորին յոյժ հաճելի է, և զոսկիս  
բազումս տայ նմա: Յայնժամ մինն ի նոցա-  
նէ որ իւր քահանայն էր, ասէ. Նախ  
գտցուք զորդի նորա զՊօղոսն, նմա յայտ-  
նեսցուք զքեզ և նմա ծանուցուք թէ հօրն  
իւրոյ եղեալ ակնեղէնքն յոյժ հաճելի է

մեր թագաւորին, և նա ծանուցէ հօրն  
իւրում. և արարին այնպէս զի լրտեսեալ  
տեսին թէ թովմաճանն չէ ի խուցն, գնա-  
ցին առ Պօղոս որդին, և քահանայն իւր  
սկսաւ ասել թէ՛ Գիտես որ մեք յոյժ սի-  
րեմք զձեզ և կամիմք ձեզ բարութիւնս  
ինչ առնել, սակայն եթէ խոստանայք ոչ  
ուճեք ասել. զի հապէշ թագաւորի մար-  
դիկ եմք, և սա թագաւորի եղբօրորդին  
է և անուն սորա կոչի Այդու Բիջոյ Ռա-  
ֆայէլ, և գնացաք ուխտ ի սուրբ Երու-  
սաղէմ և այժմ դառնամք յերկիրն մեր  
յեթովպիա, և վասն երկիւղի մահմետա-  
կանաց՝ այսպէս ծպտեալ շրջիմք և դու  
հօր քում պատմեա, թէ ակնեղէնքն զորս  
ունի հայր քո թովմաճանն՝ մեք ահա  
բարեկամարար ծանուցանեմք քեզ որ յոյժ  
մեծագին ծախին ի քաղաքն մեր առաջի  
թագաւորին, ուստի եթէ կամիք ընդ մեզ  
կարօղ էք գալ: Եւ զայս ասացեալ ելեալ  
գնացին:

Եւ ի յերեկոյին յորժամ եկն հայրն,  
սկսաւ Պօղոսն ուրախութեամբ պատմել  
հօրն և թէ ակնեղէնքն մեր մեծ համարի  
և մեծագինք են անդ (որ է սուտ, զի ոչ  
եւս ճանաչին անդ ակնեղէնք) և թէ է տեղի  
առատութեան ոսկոյ: Չայս լուեալ թով-  
մաճանին՝ սկսաւ փոքր ինչ միտիլ առ  
այն, բայց ասէ. Հարցցուք ոմանց: Եւ  
ընդ հարցանելն Խօճա Եանաքին և կամ  
այլոց, բնաւին ամենեւին ոչ հաճեցան,  
այլ մանաւանդ երկեցուցին պատմելով զնո-  
ցին բազմադիմի կոպտութիւնս, այլ եւս  
թէ մինչ կամիցիք դառնալ յետս՝ ոչ թոյլ  
տան ասացին, և յետոյ յորժամ եկին  
այս հապէշքն, ինքն թովմաճանն խօսե-  
ցաւ ընդ նոսա, և յորմէ զորքան մերժո-  
ղական և գոհակական ինչ լուեալն պատ-  
մեաց նոցա և նոքա միաբերան ասեն  
ցթովմաճանն թէ առ նախանձու ասեն,  
զի գիտեն թէ իբրեւ երթաս ի Հապէշ՝ մեծ  
ոմն լինելոց ես: Յայնժամ և խեղճ թով-  
մաճանն հաւատացեալ բանից նոցին, և  
բորբոքեալ եհան զբոլոր սպրանս իւր, և  
զձիու դատիֆէու վրայ բանած քէամէն.  
և ասէ Այդու Բիջոն ցթովմաճանն: Այս